

ეკონომიკური ზრდის კვალდაკვალ - ასაკობრივი პენსია საქართველოში

ლია ჭყონია

სტუ-ს ასოცირებული პროფესორი

მაია თადიაშვილი

სტუ-ს დოქტორანტი

FOLLOWING THE ECONOMIC GROWTH - OLD AGE PENSION IN GEORGIA

Lia Chkonia

Associate Professor of GTU

Maia Tadiashvili

PhD student of GTU

SUMMARY

In the first half of 2025, Georgia's economic growth remained at the level of 7.9%. According to the IMF, Georgia will have the highest economic growth of 5.4% among the countries of the region and Europe in the medium term - 2025-2030. The old-age pension in Georgia is tied to the state budget and increases along with economic growth

By 2025, more than 875 thousand pensioners in Georgia will receive an old-age pension. Over the past 5 years, the number of old-age pensioners has increased by 10.2%. The dynamics of pension growth in Georgia is based on a special law - the Pension Indexation Rule - taking into account inflation. The amount of the old-age pension in Georgia does not depend on the amount of money contributed to the state budget from the salary over the years and the person's length of service. It is tied to the state budget and increases by an average of 20 GEL annually along with economic growth. According to the forecast for 2026, the pension for a pensioner under 70 years of age will be 370 GEL, and for those over 70 years of age - 495 GEL. The pension of pensioners in mountainous regions will increase to 600 GEL.

Increasing pensions by indexation alone is not enough. It is necessary to introduce in Georgia the pension criteria that are in developed countries - increasing the old-age pension to 35/40% of the average salary. According to official data, the average salary in Georgia is more than 2000 GEL. If we calculate this proportion based on the net salary, approximately 1600 GEL, the pension should be approximately 200 GEL more than the current one. Also, in the future, the differentiation of pensions in Georgia according to labor and merit should be reviewed and regulated.

* * * *

საქართველოში ხანდაზმულთა პატივისცემა ღრმად ფესვგადგმული ტრადიციაა. მოსახლეობის უმეტესი ნაწილი უფროსებზე ზრუნვას არა ვალდებულია, არამედ ღირსებად აღიქვამს. ხანდაზმულები ჩვენი სულიერი მემკვიდრეობაა. ხოლო მრავალთაობიანი თანაცხოვრება არა საჭიროების, არამედ ღირებულების ნიშანია.

სახელმწიფო ასაკობრივი პენსია-სახელმწიფოს მიერ ხანდაზმულ მოქალაქეთა სოციალურ-ეკონომიკური დახმარების მიზნით დანიშნული ყოველთვიური ფულადი სარგებელი, ერთგვარი ფინანსური უზრუნველყოფის სისტემაა, რომელიც მას შემდეგ იწყებს მოქმედებას, რაც მოქალაქე განსაზღვრულ ასაკს მიაღწევს. პენსიის უპირველესი მიზანი პენსიონერებისათვის სტაბილური და საიმედო შემოსავლის წყაროს უზრუნველყოფაა. პენსია სახელმწიფოს ვალდებულება და ამავდროულად საზოგადოების საერთო ვალდებულებაა. პენსია მხოლოდ ფინანსური უზრუნველყოფა არ არის, ის არის საზოგადოების დამოკიდებულება ღირსეულად დააფასოს უფროსი თაობა შრომაში გატარებული წლებისთვის.

თანამედროვე საპენსიო სისტემამ ჩამოყალიბება დაიწყო გერმანიაში, სადაც ბისმარკის კანონით გაიცა პირველი სახელმწიფო პენსია. მე-19 საუკუნის მეორე ნახევრიდან სოციალური რისკების მართვა ოჯახებიდან და სხვადასხვა ადგილობრივი ინსტიტუციიდან (ეკლესია, გილიები და სხვ.) გადავიდა სახელმწიფოს ხელში. ამ პერიოდში დასავლეთ და სამხრეთ ევროპის თითქმის ყველა ქვეყანაში შეიქმნა სახელმწიფო სოციალური დაცვის სისტემები მოსახლეობის დასაცავად სხვადასხვა რისკისგან (ხანდაზმულობა, შეზღუდული შესაძლებლობა, ავადმყოფობა, სანარმოო ტრავმები, უმუშევრობა და სხვა). დღემდე საპენსიო საკითხები იხვეწება და ქვეყნის კანონმდებლობით რეგულირდება. რაც უფრო განვითარებულია ქვეყანა, მით უფრო მაღალია კეთილდღეობის დონე და შესაბამისად პენსიის რაოდენობა.

მსოფლიოს განვითარებულ ქვეყნებში საპენსიო სისტემა ავტომატურად მუშაობს და ხანდაზმულებს განვლილი წლების შრომითი დამსახურების მიხედვით გარანტირებული აქვთ უზრუნველყოფა. მაღალშემოსავლიან ბევრ ქვეყნებში

ხანდაზმულთა პენსია მრავალსაფეხურიანია და ის ინდივიდუალურ დაგროვებით სისტემას ეფუძნება. პენსია შედგება როგორც სახელმწიფოს მიმართ დასაქმებულის მიერ გადახდილი გადასახადისგან, ასევე ინდივიდუალური საპენსიო დანაზოგისგან. ფაქტობრივად პენსიის ოდენობა დამოკიდებულია დასაქმებულის ანაზღაურებასა და ნამუშევარი წლების რაოდენობაზე, ასევე მისი დაგროვებითი საპენსიო პაკეტის მომგებიანობაზე.

ამერიკის შეერთებულ შტატებში საპენსიო ასაკი მამაკაცებისთვის 67 წელია, ქალებისთვის კი 65. აშშ-ში არსებობს კერძო და საჯარო საპენსიო სისტემები. თითოეულ მოქალაქეს შეუძლია მიიღოს ორი ან სამი პენსია. კერძო სისტემა ფუნქციონირებს დანაზოგებით, ხოლო სახელმწიფო სისტემა ყალბდება ბიზნესისა და რეზიდენტების შენატანებით. სოციალურ დაცვას იღებს აბსოლუტურად ყველა მოქალაქე, მათ შორის ის, ვისაც არასდროს უმუშავია. მინიმალური პენსია შეერთებულ შტატებში 280-300 დოლარია. მცირე სამუშაო გამოცდილებით - 600 დოლარზე მეტი. სოციალური შეღავათების მიღება ამერიკის შეერთებულ შტატებში მხოლოდ იმ მოქალაქეებს შეუძლიათ, რომლებსაც აქვთ 30 წლიანი გამოცდილება. საშუალო პენსიის ოდენობა (რამდენიმე საფეხურის ჩათვლით) საშუალოდ 1503 დოლარს შეადგენს. აშშ-ს საშუალო პენსია არის ხელფასის დაახლოებით 40%. ISET-ის ცნობით, ევროკავშირში პენსიის საშუალო მაჩვენებელი, 1 576 ევროა. 2022 წელს ევროკავშირის წევრ ქვეყნებში, ყველაზე მაღალი პენსია ისლანდიაში იყო - 1 965 ევრო, ნიდერლანდებში - 1 270 ევრო, ფინეთში - 1 845 ევრო, დანიაში - 980 ევრო, ნორვეგიაში - 1 513 ევრო, შვედეთში - 1 319 ევრო. ამ ქვეყნებში პენსია საშუალო ხელფასის 35-40% ია. ქვეყნების მაღალი რეიტინი უკავშირდება არა სიმდიდრეს, არამედ მყარ საპენსიო სისტემებს - სავალდებულო დანაზოგების მოდელს, მაღალი შემოსავლების მქონე მოსახლეობასა და დივერსიფიცირებულ ეკონომიკას.

მთელი რიგი გარემოებებიდან გამომდინარე, პოსტსაბჭოთა ქვეყნებს, ეკონომიკური სისტემის ცვლილებასთან ერთად მოუხდათ საპენსიო სისტემის ცვლილება. რომელიც ძირითადად მიბმულია სახელმწიფო ბიუჯეტზე და დამოკიდებულია ეკონომიკის განვითარებაზე, ქვეყნის სიმდიდრეზე და მოსახლეობის შემოსავლებზე. ამ ქვეყნებში განსხვავებულია საპენსიო ასაკიც.

ყოფილი საბჭოთა კავშირის ქვეყნებიდან ყველაზე მაღალი პენსია ბალტიისპირეთის ქვეყნებშია, სადაც პენსია საშუალო ხელფასის 35/40% ს შეადგენს. სომხეთში საშუალო პენსია დაახლოებით 50,000 დრამია -125 დოლარი. აზერბაიჯანში საშუალო ასაკობრივი პენსია 527 მანათია -310 დოლარი. რუსეთში საშუალო პენსია 24 ათასი რუბლი -238

დოლარი. თურქეთის მინიმალური პენსია -292 დოლარი. მაქსიმალური პენსია -707 დოლარი. ხოლო ყირგიზეთში პენსია საშუალო ხელფასზე სამჯერ ნაკლებია და 72 დოლარს შეადგენს.

სტატისტიკის ეროვნული სამსახურის ბოლო მონაცემებით, საქართველოში სულ 3.694 მლნ ადამიანი ცხოვრობს. რომელთა 23.4% (864 312) ასაკით პენსიონერია. საპენსიო ასაკი მამაკაცებისთვის 65 წელი, ხოლო ქალებისთვის 60 წელია.

საქართველოში ასაკობრივი პენსია, რომელიც სახელმწიფო ბიუჯეტზეა მიბმული და კანონმდებლობით იცვლება, ანარეკლია იმ სოციალურ-პოლიტიკური ცვლილებების, რომელიც 90 იანი წლებიდან მიმდინარეობს ქვეყანაში. დამოუკიდებლობის მოპოვების შემდეგ, მძიმე ეკონომიკურ-პოლიტიკურ პერიოდში განვითარებულმა პოლიტიკურმა მოვლენებმა და ეკონომიკურმა სიდუხჭირემ სიტუაცია გაართულა. ჩვენს ქვეყანაში მოხუცებმა დაკარგეს ყველა დანაზოგი, რომელიც უნდა დაეხარჯათ ხანდაზმულ ასაკში, რაც მათ დამოუკიდებელი ცხოვრების საშუალებას მისცემდათ.

90-იან წლებში საქართველოში ასაკობრივი პენსია 14 ლარი იყო. 2012 წლამდე <67> ასაკის პირებისთვის პენსია 110-125 ლარს შეადგენდა. უმნიშვნელო იყო პენსიის ზრდა მომდევნო წლების განმავლობაშიც. ქვეყნის მაკროეკონომიკური მაჩვენებლები, საბიუჯეტო პოლიტიკის პრიორიტეტები და დემოგრაფიული სურათი გვჩვენებს, რომ საქართველოს ეკონომიკისთვისა და სახელმწიფო საბიუჯეტო სახსრებისთვის მძიმე ტვირთია მრავალგვარი სოციალური ვალდებულებები, რომლის წინაშეც სხვა უამრავ პრობლემებთან ერთად დგას ქვეყანა.

საქართველოს ყველა მოქალაქეს, ასევე, ბოლო 10 წლის განმავლობაში კანონიერად მცხოვრებ უცხო ქვეყნის მოქალაქეებს. საპენსიო ასაკის მიღწევითანავე, ენიშნება ასაკობრივი პენსია, რომელსაც სოციალური დახმარების სახე აქვს. მისი ოდენობა დამოკიდებული არ არის ხელფასიდან სახელმწიფო ბიუჯეტში ან საპენსიო ფონდში წლების განმავლობაში შეტანილი თანხის რაოდენობასა და ადამიანის შრომით სტაჟზე. ის კანონმდებლობით რეგულირდება და ბიუჯეტიდან ფინანსდება ეკონომიკური ზრდის კვალდაკვალ, ინფლაციის გათვალისწინებით. პენსიების ოდენობა განსხვავდება გეოგრაფიული მდებარეობის მიხედვით. აგრეთვე განსხვავებაა 70 წლამდე და 70 წლის ზემოთ პენსიონერთა პენსიის ოდენობა. ყველა დასაქმებულ პენსიონერს აქვს ხელფასთან ერთად ასაკით პენსიის სრულად მიღების უფლება, თუ იგი არ ეწევა საჯარო საქმიანობას/არ არის დასაქმებული ადმინისტრაციულ ორგანოებში ან სხვა საბიუჯეტო ორგანიზაციებში. ეს წესი არ ვრცელდება მხოლოდ სამედიცინო და სამეცნიერო-საგანმანათლებლო

საქმიანობაზე.

2012 წლიდან საქართველოში ნომინალური პენსია ეტაპობრივად იზრდება (110ლ, 125ლ, 150ლ, 150ლ, 160ლ, 180ლ, 180 ლარი). 2019 წელს პენსია ორმაგდება და აღწევს 200 ლარს. ნომინალური პენსიის გაორმაგებას პენსიონერებისათვის არ მოუტანია ფინანსური კეთილდღეობა, რადგან 1012-2019 წლებში ლარის კურსის ვარდნამ სამომხმარებლო ფასების ზრდა გამოიწვია და რეალურად პენსიის მსყიდველუნარიანობა მნიშვნელოვნად არ შეცვლილა, რამაც ქვეყანა საპენსიო სისტემის მოდერნიზების აუცილებლობის წინაშე დააყენა.

2018 წელს საქართველოში საპენსიო რეფორმა დაიწყო. შეიქმნა საპენსიო სააგენტო. 2019 წლიდან დაიწყო სავალდებულო დაგროვებითი საპენსიო სქემის მონაწილეთა თანხების შეგროვება.

დაგროვებითი საპენსიო სქემა აგებულია პრინციპზე დამსაქმებლის 2% + დასაქმებულის 2% + სახელმწიფოს 2%. საპენსიო დანაზოგების ინვესტირებას საინვესტიციო პოლიტიკის დოკუმენტის საფუძველზე საპენსიო სააგენტო და მის მიერ შერჩეული აქტივების მმართველი კომპანია ახდენს. ეს დოკუმენტი საპენსიო აქტივების მართვის ჩარჩოა და იძლევა აქტივების განთავსების გრძელვადიან სტრატეგიას. აქტივების ინვესტირების მონიტორინგს ახორციელებს საპენსიო სააგენტოს საინვესტიციო საბჭო, რომელიც არჩევს დაგროვებითი საპენსიო სქემის სპეციალიზებულ დეპოზიტარს და აქტივების მმართველ კომპანიას. საპენსიო სააგენტოს საინვესტიციო საქმიანობის რეგულირებას და ზედამხედველობას ეროვნული ბანკი ახორციელებს, ისევე როგორც აქტივების მმართველი კომპანიისა და სპეციალიზებული დეპოზიტარის ავტორიზაციას/აღიარებას და ზედამხედველობას.

კანონის მიხედვით, 40 წლამდე დაქირავებით დასაქმებული მოქალაქეებისთვის საპენსიო სქემაში ჩართვა სავალდებულოა, რაც იმას ნიშნავს, რომ ხელფასის 2% საპენსიო შენატანში უნდა მიმართონ. ამასთან, დამსაქმებელი ვალდებულია დასაქმებულის ინდივიდუალურ საპენსიო ანგარიშზე გადარიცხოს დასაქმებულის ხელფასის 2%, ხოლო, სახელმწიფო ვალდებულია დასაქმებულის ინდივიდუალურ საპენსიო ანგარიშზე გადარიცხოს ხელფასის 2%.

საქართველოში ასაკობრივი პენსია მიბმულია სახელმწიფო ბიუჯეტზე და ეკონომიკურ ზრდასთან ერთად იზრდება. თუმცა კოვიდინფექციის დროს, ეკონომიკურ ვარდნის პირობებში, პენსია არ შემცირებულა. ქვეყანაში მოქმედებს პენსიის ინდექსაციის წესი, ანუ პენსიის ზრდისას გათვალისწინებულია ინფლაციის მაჩვენებელი. კანონი სახელმწიფო პენსიის ინდექსირების შესახებ პარლამენტმა 2020 წელს დაამტკიცა. ის საპენსიო სისტემის რეფორმირების ერთ-ერთ მნიშვნელოვან

კომპონენტს წარმოადგენს. საპენსიო რეფორმის აუცილებლობა ნაკარნახევი იყო მოსახლეობის დაბერების პროცესის მზარდი ტენდენციითა და დაბალი ჩანაცვლების კოეფიციენტით. 2020 წელს საშუალო ხელფასი 1227 ლარი იყო, ხოლო სახელმწიფო პენსია 220 ლარი. შესაბამისად ჩანაცვლების კოეფიციენტი 17.9% შეადგენდა.

2021-2022 წელს, პოსტკოვიდურ პერიოდში საქართველოს ეკონომიკა 10.5% ით გაიზარდა. გაიზარდა ქვეყნის რეალური შიდა პროდუქტი. ინფლაციის გათვალისწინებით 2022 წელს გაიზარდა პენსიები <70> ასაკის პენსიონერებისათვის 20-25 ლარის ოდენობით. 2023 წელს 3.4 მლრდ ლარი დაიხარჯა ასაკობრივი პენსიების გასაცემად. 2024 წელს სახელმწიფო საპენსიო ანაზღაურება რეკორდული (ბიუჯეტის 16%) 3.9 მილიარდი ლარი იყო. პენსიები გაიზარდა და გახდა <70> 315-415 ლარი, მაღალმთიან დასახლებებში 380-490 ლარი.

2025 წელს ხანდაზმულთა საპენსიო უზრუნველყოფისთვის დაიხარჯება 4.42 მლრდ ლარი. პენსია ინფლაციის გათვალისწინებით 20 ლარზე მეტით გაიზარდა და შეადგინა <70> 350-450 ლარი. შესაბამისად მაღალმთიან რეგიონებში მცხოვრებთათვის <70> 400-540 ლარი.

საქართველოში პენსიების ზრდის დინამიკა ეყრდნობა სპეციალურ კანონს – პენსიის ინდექსაციის წესს, რომელიც 2020 წელს იქნა მიღებული. ეს კანონი უზრუნველყოფს პენსიის ყოველწლიურ, გარანტირებულ გადახედვას და ზრდას, რომელიც მიბმულია ეკონომიკურ მაჩვენებლებზე. პენსიის ზრდის დინამიკა და ინდექსაციის წესის მიხედვით პენსიის ზრდა არ არის დამოკიდებული მხოლოდ მთავრობის ერთჯერად გადაწყვეტილებაზე, არამედ რეგულირდება კანონით და ითვალისწინებს ორ ძირითად ასაკობრივ კატეგორიას: 70 წლამდე ასაკის პენსიონერები და 70 წლის და მეტი ასაკის პენსიონერები. 70 წლამდე ასაკის პენსიონერების პენსიის ზრდა ყოველწლიურად განისაზღვრება ბოლო 12 თვის საშუალო ინფლაციის მაჩვენებლით. **მინიმალური გარანტირებული ზრდა არის 20 ლარი. 70 წლის და მეტი ასაკის პენსიონერებისათვის გათვალისწინებულია ზრდის უფრო მაღალი ინდექსი, ვინაიდან ამ ასაკის მოსახლეობა უფრო მოწყვლადია. ამიტომ პენსიის ზრდა განისაზღვრება ორი კომპონენტით: ბოლო 12 თვის საშუალო ინფლაცია და ბოლო 4 კვარტალის ეკონომიკური ზრდის მაჩვენებლის 80%. მინიმალური გარანტირებული ზრდაა 35 ლარი (იყო 25 ლარი).** ამ წესის მიზანია, რომ პენსიის რეალური მსყიდველუნარიანობა მაღალი ინფლაციის პირობებშიც კი იყოს დაცული და მოქალაქეები ქვეყნის ეკონომიკური ზრდის ნაწილობრივ ბენეფიტსაც იღებდნენ. მაღალმთიან დასახლებებში მცხოვრები პენსიონერებისთვის კანონით გათვალისწინებულია **20%-იანი დანამატი.**

პენსიების ზრდა საქართველოში გახდა პროგნოზირებადი და ავტომატური პროცესი, რომელიც კანონით არის განმტკიცებული და მიზნულია ინფლაციისა და ეკონომიკური ზრდის მაჩვენებელზე. კანონის შესაბამისად 2026 წლის ბიუჯეტის გეგმაში უკვე არის ასახული პენსიების ზრდა. 2026 წლის ბიუჯეტის პროექტის თანახმად, 70 წლამდე ასაკის პენსიონერთა პენსია 20 ლარით გაიზრდება და სავარაუდოდ განისაზღვრება 370 ლარით, ხოლო 70 წლისა და მეტი ასაკის პენსიონერთა პენსია იზრდება 45 ლარით და განისაზღვრება 495 ლარის ოდენობით. ამავე კატეგორიის პენსიონერთა პენსია მაღალმთიან დასახლებებში თითქმის 600 ლარს გაუტოლდება.

ასაკობრივი პენსიის უპირველესი მიზანი პენსიონერებისათვის სტაბილური და საიმედო შემოსავლის წყაროს უზრუნველყოფაა. საქართველოში პენსია თავისი არსით უფრო სოციალური დახმარებაა. არ არის გათვალისწინებული ადამიანის ნამუშევარი წლები/სტაჟი და დამსახურება. საშუალო პენსია რეალურ საარსებო მინიმუმზე დაბალია და პენსიონერს დამოუკიდებელი ცხოვრების საშუალებას არ აძლევს. ბევრი პენსიონერებისთვის (განსაკუთრებით მარტოხელა პენსიონერებისთვის) არსებული პენსია შემოსავლის ერთადერთი წყაროა და არ იძლევა ღირსეული სიბერის შესაძლებლობას. რა არის ამის მიზეზი და რა ახსნას გვთავაზობენ კომპეტენტური ორგანოები?

საქართველო იმ ქვეყნების სიაშია, სადაც საგრძნობლად სწრაფია მოსახლეობის დაბერების ტენდენცია. პენსიონერთა წილი მთლიან მოსახლეობაში მუდმივად იზრდება. 2025 წლისთვის 875 ათასზე მეტი პენსიონერი იღებს ასაკობრივ პენსიას. ბოლო 5 წლის განმავლობაში ასაკით პენსიონერთა რიცხვმა 10,2%-ით მოიმატა. საქართველოში 90 წელს ზემოთ 12,2 ათასი პენსიონერი ცხოვრობს. სპეციალისტთა აზრით, საგანგაშო არა პენსიონერების რიცხვის ზრდა, არამედ ისაა, რომ მათი წილი მოსახლეობის მთლიან რაოდენობაში ძალიან მაღალია. ეს კი ნიშნავს, რომ ქვეყანაში დაბერების პროცესი აქტიურად გრძელდება. რაც სამომავლოდ სამუშაო ძალაზე აისახება.

მოსახლეობის დაბერება მსოფლიოს უმეტესი ქვეყნებისთვისაც პრობლემურია, მაგრამ განვითარებულ ქვეყნებში არსებობს კრიტერიუმი, რომლის მიხედვითაც პენსიის ოპტიმალური ოდენობა საშუალო ხელფასის 35-40% უნდა იყოს. საშუალო ხელფასი საქართველოში ოფიციალური მონაცემებით 2000 ლარზე მეტია. ეს პროპორცია რომ ვიანგარიშოთ ნეტო ხელფასზე, დაახლოებით 1600 ლართან მიმართებით, პენსია დაბალია ოპტიმალურ მაჩვენებელთან შედარებით და დაახლოებით 200 ლარზე მეტი უნდა იყოს.

უნდა აღინიშნოს, რომ ეკონომიკური ზრდიდან

ეკონომიკური განვითარებისკენ ქვეყნის სვლას საქართველოსთვის, როგორც პოსტსაბჭოთა, ათწლეულების განმავლობაში განვითარებადი ქვეყნის სტატუსის მქონე ქვეყნისთვის, უდიდესი მნიშვნელობა აქვს. ვინაიდან ეკონომიკური ზრდა ნიშნავს ეკონომიკის მასშტაბების რაოდენობრივ გადიდებას. ის საფუძველია ეკონომიკური განვითარებისა და თვისებრივად ახალი, უფრო სრულყოფილ მდგომარეობაში გადასვლისთვის. ეკონომიკურმა ზრდამ უნდა უზრუნველყოს ეკონომიკური განვითარება და ხალხის კეთილდღეობის ამაღლება, რაც გამოიხატება ერთ სულ მოსახლეზე შემოსავლის ზრდითა და მოსახლეობის ფენებს შორის შემოსავლების თანდათან გათანაბრებით. ეკონომიკური განვითარების პროცესი, უნდა განხორციელდეს ეკონომიკური სისტემის ყველა ელემენტში ინოვაციათა განხორციელებით. ასეთი პროგრესული თვისებრივი ცვლილებები ეკონომიკაში განაპირობებს ადამიანთა კეთილდღეობის ამაღლებას და რეზონანსულად აისახება ისევე ქვეყნის ეკონომიკური ზრდის მაჩვენებელზე. ქვეყნის ეკონომიკური ზრდიდან-ეკონომიკური განვითარებისკენ სწორი, ინოვაციური მიდგომებით, შესაძლებელია ბიუჯეტის რაციონალური დაგეგმვა და ხარჯების განაწილება. საქართველოში საშუალო ხელფასი 2000 ლარია. საარსებო მინიმუმი 260 ლარი. ასაკობრივი პენსია 2026 წლისთვის სავარაუდოდ 20-35 ლარით გაიზრდება. მხოლოდ ინდექსაციის წესით პენსიის ზრდა არ არის საკმარისი. აუცილებელი მოცემულობაა, რომ საქართველოში დაინერგოს პენსიის ის კრიტერიუმი, რაც განვითარებულ ქვეყნებშია- ასაკობრივი პენსია გაიზარდოს საშუალო ხელფასის 35/40 % მდე. ასევე, სამომავლოდ გადასახედი და დასარეგულირებელია საქართველოში პენსიის დიფერენციაციის საკითხი. რადგანაც მისი ოდენობა დამოკიდებული არ არის ხელფასიდან სახელმწიფო ბიუჯეტში წლების განმავლობაში შეტანილი თანხის რაოდენობასა და ადამიანის შრომით სტაჟზე. საპენსიო სისტემამ უნდა გააერთიანოს წარსული, აწმყო და მომავალი, ვინაიდან თითოეული თაობა ქმნის საფუძველს მომდევნო თაობისთვის.

დასკვნა

2025 წლის პირველ ნახევარში საქართველოს ეკონომიკური ზრდა 7,9%-ის დონეზე შენარჩუნდა. სავალუტო ფონდის პროგნოზით, რეგიონისა და ევროპის ქვეყნებს შორის საქართველოს საშუალოვადიან პერიოდში - 2025-2030 წლებში ექნება ყველაზე მაღალი 5.4% ეკონომიკური ზრდა. საქართველოში ასაკობრივი პენსია მიზნულია სახელმწიფო ბიუჯეტზე და ეკონომიკურ ზრდასთან ერთად იზრდება. 2025 წლისთვის საქართველოში 875 ათასზე მეტი პენსიონერი იღებს ასაკობრივ პენსიას. ბოლო 5 წლის განმავლობაში ასაკით პენსიო-

ნერთარიცხვმა 10,2%-ით მოიმატა. საქართველოში პენსიების ზრდის დინამიკა ეყრდნობა სპეციალურ კანონს – პენსიის ინდექსაციის წეს- ინფლაციის გათვალისწინებით. საქართველოში ასაკობრივი პენსიის ოდენობა დამოკიდებული არ არის ხელფასიდან სახელმწიფო ბიუჯეტში წლების განმავლობაში შეტანილი თანხის რაოდენობასა და ადამიანის შრომით სტაჟზე. ის მიბმულია სახელმწიფო ბიუჯეტზე და ეკონომიკურ ზრდასთან ერთად ყოველწლიურად საშუალოდ 20 ლარით იზრდება. 2026 წლის პროგნოზით 70 წლამდე პენსიონერისთვის პენსია გახდება 370 ლარი, ხოლო 70 წლის ზემოთ ასაკისთვის 495 ლარი. მაღალმთიანი რეგიონების პენსიონერების პენსია 600 ლარამდე გაიზრდება.

მხოლოდ ინდექსაციის წესით პენსიის ზრდა არ არის საკმარისი. აუცილებელი მოცემულობაა, რომ საქართველოში დაინერგოს პენსიის ის კრიტერიუმი, რაც განვითარებულ ქვეყნებშია- ასაკობრივი პენსია გაიზარდოს საშუალო ხელფასის 35/40 % მდე. საშუალო ხელფასი საქართველოში ოფიციალური მონაცემებით 2000 ლარზე მეტია. ეს პროპორცია რომ ვიანგარიშოთ ნეტო ხელფასზე, დაახლოებით 1600 ლართან მიმართებით, პენსია არსებულზე დაახლოებით 200 ლარზე მეტი უნდა იყოს.

ასევე, სამომავლოდ გადასახედი და დასარეგულირებელია საქართველოში პენსიის დიფერენციაცია შრომისა და დამსახურების მიხედვით.

საკვანძო სიტყვები: ეკონომიკური ზრდა, სახელმწიფო ბიუჯეტი, ასაკობრივი პენსია

გამოყენებული ლიტერატურა:

1. აბესაძე რ. „ეკონომიკური განვითარება, ეკონომიკური ზრდა და საქართველოს ეკონომიკის განვითარების მთავარი მიმართულება“ თსუ. ეკონომიკა და საზოგადოება. 03.07. 2022
2. საქართველოს სტატისტიკის ეროვნული სამსახური (www.geostat.ge);
3. უფლისაშვილი გ.- „საპენსიო რეფორმის პერსპექტივები საქართველოში“ (atsu.edu.ge);
4. საქართველოს კანონი დაგროვებითი პენსიის შესახებ (www.matsne.gov.ge);
5. საპენსიო სააგენტოს ვებ-გვერდი (www.pensions.ge);
6. საქართველოს ეკონომიკისა და მდგრადი განვითარების ვებ-გვერდი (www.economy.ge);
7. საქართველოს ეროვნული ბანკის ვებ-გვერდი (www.nbg.gov.ge).